

Kuv Yuav Koom Rau Hauv MTSS Tau Li Cas?

Tsev neeg muaj ib lub luag hauj lwm tseem ceeb heev nyob hauv kev pab txhawb tej yam lawv cov me nyuam kawm nyob hauv tsev kawm ntawv. Cov niam txiv yim tuaj koom coob rau hauv me nyuam kawm ntawv txoj kev kawm, cov me nyuam kawm ntawv yim kawm yim tau zoo hauv tsev kawm ntawv. Muab cov lus nug los nug txog MMTS hauv nej tus me nyuam lub tsev kawm ntawv:

- Kuv tus me nyuam puas kawm tau zoo? Kuv yuav paub tau li cas? Yog kawm tsis tau, vim li cas? Kuv yuav muaj cuab kav ua tau li cas?
- Yog tias xav tau, yuav muab kev pab ntxiv tau li cas? Los ntawm leej twg? Pes tsawg zaus? Ntev npaum li cas?
- Kuv yuav muaj cuab kav koom kev sib tham tawm tswv yim li cas hais txog kuv tus me nyuam?
- Kuv yuav muaj cuab kav muab cov kev txhim kho pab li cas rau kuv tus me nyuam?
- Kuv yuav ua li cas thiaj paub tias cov kev txim kho pab no ua hauj lwm?

Kuv yuav ua li cas yog tias kuv ntseeg tau tias kuv tus nyuam poob qab lawm los yog cov ntaub ntawv kawm tsis nyuab txaus rau nws?

- Tham nrog koj tus me nyuam tus xib fwb.
- Txheeb xyuas thiab pab ua cov ntaub ntawv muab los ua tom tsev.
- Nug kom muab tej kev tsom kwm txoj kev kawm tuaj rau koj.
- Qhuas koj tus me nyuam qhov kawm tau zoo.
- Mus xyuas cov ntaub ntawv kawm, cov kev ntsuam xyuas, thiab cov kev txhim kho pab tau siv rau hauv koj tus me nyuam lub tsev kawm ntawv.
- Tuaj koom cov rooj sib tham thiab lwm cov rooj sab laj hais txog koj tus me nyuam.

Tej Lo Lus Tseem Ceeb Hauv MTSS

Tus Qauv Cim Txoj Kev Kawm (Benchmark): Qib duos kev kawm npaj siab kom ua tau ntawm tus me nyuam kawm ntawv.

Muab Kev Txiaiv Txim Siab Raws Cov Ntaub Ntawv (Data-Based Decision Making): Kev siv me nyuam kawm ntawv cov ntaub ntawv los coj txoj kev qhia ntawv.

Tsev Neeg-Tsev Kawm Ntawv Cov Kev Koom Tes (Family-School Partnerships): Tsev neeg thiab cov neeg ua hauj lwm koom tes rau hauv MTSS tus txheej txheem, xws li koom tes ua ke muab kev txhim kho pab nyob tom tsev kawm ntawv thiab hauv tsev.

Kev Txhim Kho Pab (Intervention): Qhov kev pauv qhia ntawv los txhim kho me nyuam kawm ntawv txoj kev kawm. Feem ntau, muab qhov kev txhim kho pab ntxiv rau qhov kev qhia ntawv hauv qhib kawm.

Kev Tsom Kwm Txoj Kev Kawm (Progress Monitoring): Kev mus muab cov ntaub ntawv los thiab kev txheeb xyuas cov ntaub ntawv hais txog me nyuam kawm ntawv txoj kev kawm los mus muab kev txiaiv txim siab hais txog kev qhia ntawv. Kev tsom kwm txoj kev kawm yuav muaj cuab kav muab tau rau cov me nyuam kawm ntawv ib tug zus los yog tag nrho chav kawm ua ke.

Pab Neeg Muab Kev Txhawb & Kev Txhim Kho Pab [Student Support & Intervention Team (SSIT)]: Ib pab neeg sib koom tes (xws li cov niam txiv, cov xib fwb, thiab cov neeg ua hauj lwm) uas tuaj sib tham los tsim cov hau kev pab rau cov me nyuam kawm ntawv thaum lawv nyob rau qhov phom sij yuav poob qab los yog thaum lawv xav tau kev pab txhawb ntxiv.

Kev Ntsuam Xyuas Rau Txhua Tus (Universal Screening): Ntsuam xyuas thaum ntov nyob hauv xyoo kawm los txheeb thaum cov me nyuam kawm ntawv nyob rau qhov kev phom sij yuav poob qab los yog thaum lawv xav tau kev pab txhawb ntxiv. Cov kev ntsuam xyuas rau txhua tus kuj tsis muaj ntau, thiab muab rau cov me nyuam kawm ntawv txhua tus nyob rau qib kawm nrog rau ib qhov kev ntsuam xyuas ntxiv raws li yuav tau ua.

MADISON METROPOLITAN SCHOOL DISTRICT



Department of Teaching & Learning
Division of Multi-Tiered System of Supports
545 West Dayton St.
Madison, WI 53703
608.663.5263



Multi-Tiered
System of Supports
Cov Kev Pab
Txhawb Ntau Duas

Cov Ntsiab Lus Npaj
Rau Cov Niam Txiv
thiab Tsev Neeg

Lub Cuaj Hlis 2014

MADISON METROPOLITAN
SCHOOL DISTRICT



Cov Kev Pab Txhawb Ntau Duas (MTSS) Yog Dab Tsi?

MTSS [yog Kev Pov Plob Rau Kev Txhim Kho Pab (Rtl)] pab los mus npaj peb cov tsev kawm ntawv kom ncav tau lub zeem muag ntawm qhov ua tau zoo hais txog cov ntawv kawm thiab tus cwj pwm coj.

Lub hom phiaj ntawm MTSS yog npaj txhim kho tej yam ua tau tshwm sim ntawm txoj kev kawm rau cov me nyuam kawm ntawv txhua tus, uas yog txheeb xyuas me nyuam kawm ntawv qhov kev xav tau kev pab thaum ntsov, thiab xyuas meej kom me nyuam kawm ntawv qhov kev xav tau kev pab kom txhob plam mus uas duav tsis tau.

“Raws li yog niam txiv, nws tseem ceeb rau kuv los xyuas meej kom kuv tus me nyuam tau txais qhov kev kawm uas duav tau nws qhov xav tau kev pab. MTSS muab qhov no rau kuv tus tub uas yog muaj kev txhim kho pab rau ib ncuu sij hawm luv los mus txhawb nws kom paub ua zauv.”
~ Ib tug niam txiv hauv qib 7

MTSS xyuas tsi ntsees rau kev siv cov ntaub ntawv los mus muab kev txiav txim siab hais txog kho txoj kev qhia ntawv los yog muab kev pab txhawb ntxiv kom cov me nyuam kawm ntawv kawm tau zoo zog nyob hauv tsev kawm ntawv.

Cov tsev kawm ntawv siv MTSS los mus tsim qhov muab kev qhia ntawv thiab kev pab txhawb sib txuam rau cov me nyuam kawm ntawv nyob rau ntau duos kev kawm, raws txhua tus me nyuam kawm ntawv qhov xav tau kev pab.

MTSS yog npaj rau cov me nyuam kawm ntawv txhua tus, thaum lawv nyob rau qhov kev pom sij yuav poob qab thiab thaum lawv xav tau kev pab txhawb nyob tom tsev kawm ntawv.



Cov Txiaj Ntsim Ntawm MTSS

- Txhim kho txoj kev kawm txuj rau cov me nyuam kawm ntawv txhua tus
- Xyuas tsi ntsees rau qhov xav tau kev pab ntawm txhua tus me nyuam kawm ntawv
- Tshem tawm qhov “tos poob” tawm. Cia cov me nyuam kawm ntawv tau txais cov kev pab thaum ntsov zoo dua thaum lig.
- Tsom kwm txoj kev pab cov xib fwb kom paub txog yam ua hauj lwm los yog yam tsis ua hauj lwm tsis tu ncuu thiab kom cov me nyuam kawm ntawv muaj lawv cov kev txhawj ntse kawm ntaub ntawv thiab tswj tau tus cwj pwm coj
- Cov me nyuam kawm ntawv xav tau kev pab ntxiv yuav muaj cuab kav tau txais kev qhia ntawv thiab cov kev pab kom duav tau lawv qhov xav tau kev pab

Tej Yaj Koj Yuav Muaj Cuab Npaj Npaj Siab Tau Rau

- Kev qhia txog me nyuam kawm ntawv txoj kev kawm tsis tu ncuu
- Kev txheeb xyuas txog qhov xav tau kev pab kawm ntaub ntawv los yog tswj tus cwj pwm coj thaum xub pom tias xav tau kev pab
- Qhov muab kev pab rau koj tus me nyuam ntxiv los yog txo tawm raws qhov koj tus me nyuam xav tau kev pab
- Cov ntaub ntawv thiab cov kev tuaj koom los npaj thiab muab cov kev txhim kho pab los mus pab koj tus me nyuam
- Cov ntaub ntawv hais txog qhov koj tus me nyuam yuav pov plob rau cov kev txhim kho pab uas tau muab rau nws